

Nunc factus est homo DEUS! ^{2.} Nunc factus est homo DEUS!
prognatus è sinu Patris, Rex universi & conditor,
puer puellæ nobilis, rerum creator omnium,
geminæ gigas substantiæ, sapiens, potens, omnisciens.

Nunc factus est homo DEUS!
sua creaturæ datus:
Creator, ô mysteria!
factorque facturam subit.

Nunc factus est homo DEUS!
natura sed manet Dei,
essentiæque infinitas,
substantiæque æternitas.

Nunc factus est homo DEUS!
at vera majestas manet,
mortalitas nec tollitur,
humanitas nec perditur.

Nunc factus est homo DEUS
in ventre castæ virginis:
portant puellæ viscera,
cui tota paret machina.

Nunc factus est homo DEUS!
domo pudici pectoris
vis omnipotentis Dei
lubens volensq; includitur.

Nunc factus est homo DEUS,
prodit recens infantulus:
infante foeta parvulo
puella bajulat Deum.

Nunc factus est homo DEUS!
alvus pudicæ virginis
fit aula Sancti Spiritûs,
umbraculumque Altissimi.

Nunc factus est homo DEUS!
qui luminare maximum,
jubarq; septistellij,
Lunæq; fixit orbitam.

Nunc factus est homo DEUS,
qui montium voragines,
& collium crepidines
sermone solo struxerat.

Nunc factus est homo DEUS,
artus puellares premens,
æqualis ut mortalibus
mortale crimen expiet.

Nunc factus est homo DEUS!
Quis adsequatur sensibus,
quæ lingua fando nunciet,
volvaturvè cogitatio?

Nunc factus est homo DEUS!
Mysterij profunditas,
quam non acumen spiritûs
examinet subtilius.

Nunc factus est homo DEUS
trans cuncta lucens gloria,
supra locum, tempus supra,
quæ dicier linguâ queunt.

Nunc factus est homo DEUS!
de carne mortali exijt
caro munda castæ virginis
& absq; noxâ criminis.

Nunc